

# Panduan Keselamatan

Patuhilah panduan-panduan berikut untuk meningkatkan tahap keselamatan anda:

- Lakukan semua pemeriksaan rutin dan biasa yang dinyatakan dalam manual ini.
- Matikan enjin dan jauhkan daripada percikan api atau api yang sedang membakar sebelum mengisi minyak.
- Jangan menghidupkan enjin di tempat yang tertutup atau separuh tertutup. Gas karbon monoksida yang terkandung pada ekzos adalah beracun dan mungkin akan membunuh anda.

## Sentiasa Memakai Topi Keledar

Ita adalah satu fakta yang telah terbukti: topi keledar dan pakaian perlindungan nyata sekali dapat mengurangkan bilangan dan kecederaan teruk di kepala dan kecederaan lain. Oleh itu sentiasalah memakai topi keledar motosikal yang diluluskan dan pakaian perlindungan. 📧 MS. 8

## Sebelum Menunggang

Pastikan anda cergas, memberi tumpuan mental dan bebas daripada alkohol dan dadah. Periksa sama ada anda dan penumpang belakang telah memakai topi keledar yang telah diluluskan dan pakaian perlindungan. Pastikan penumpang belakang memegang pemegang belakang ataupun pada pinggang anda, bersandar mengikut anda semasa membelok, dan sentiasa meletakkan kaki pada peletak kaki walaupun skuter telah berhenti.

## Belajar & Berlatih Dengan Secukup Masa

Walaupun anda pernah menunggang skuter lain, amalkan menunggang di kawasan yang selamat untuk membiasakan diri dengan bagaimana skuter berfungsi dan mengendalikannya, dan membiasakan diri dengan saiz dan berat skuter.

## Penunggangan Defensif

Sentiasa memberi perhatian pada kenderaan di sekitar dan jangan menganggap pemandu lain telah pun nampak anda. Sentiasa bersedia untuk menghentikan skuter anda atau mengelak sesebuah kenderaan.